

Cofnodion heb eu cadarnhau

Teitl y cyfarfod:	Cyfarfod Bwrdd CNC (Cyhoeddus)
Lleoliad:	Bwcle a Teams
Dyddiad y cyfarfod:	12 Chwefror 2026
Aelodau yn bresennol:	Neil Sachdev, Cadeirydd Yr Athro Steve Ormerod, Dirprwy Gadeirydd Ceri Davies, Prif Weithredwr Dros Dro Dr Hushneara Begum Dr Pete Fox Yr Athro Calvin Jones Lesley Jones Yr Athro Rhys Jones Mark McKenna Helen Pittaway Adam Taylor
Aelodau'r Tîm Gweithredol yn bresennol	Prys Davies, Cyfarwyddwr Gweithredol Strategaeth, Polisi a Thystiolaeth Sarah Jennings, Cyfarwyddwr Gweithredol Cyfathrebu, Cwsmeriaid a Masnachol Rachael Cunningham, Cyfarwyddwr Gweithredol Cyllid a Gwasanaethau Corfforaethol Dominic Driver, Cyfarwyddwr Gweithredol Gweithrediadau Cenedlaethol Lyndsey Rawlinson, Cyfarwyddwr Gweithredol Lle a Gwasanaeth Louise White, Cyfarwyddwr Gweithredol Pobl, Fflyd a Chyfleusterau
Hefyd yn bresennol:	Phil Williams, Pennaeth Llywodraethiant ac Ysgrifennydd y Bwrdd (pob eitem) Meinir Wigley, Pennaeth Cyfathrebu a Thrawsnewid Digidol
Sylwedyddion yn bresennol:	Neb

Ymddiheuriadau:	Karen Balmer Dr Rebecca Colley-Jones
Ysgrifenyddiaeth:	Rhiannon Spencer, Tîm Ysgrifenyddiaeth y Bwrdd Deb Lee, Tîm Ysgrifenyddiaeth y Bwrdd Andrea Bennett, Tîm Ysgrifenyddiaeth y Bwrdd
Datganiadau o fuddiant:	Neb

Eitem 1. Dechrau'r cyfarfod

Noddwr a chyflwynydd: Neil Sachdev, Cadeirydd

1. Agorodd y Cadeirydd y cyfarfod a chroesawodd bawb. Nodwyd datganiadau o fuddiant ac ymddiheuriadau fel uchod.

Eitem 2. Cofnodion yr adolygiad

Eitem 2A. Adolygu cofnodion y cyfarfod cyhoeddus a gynhaliwyd ar 27 Tachwedd

2. Adolygwyd cofnodion cyfarfod cyhoeddus y Bwrdd a gynhaliwyd ar 27 Tachwedd a chytunwyd arnynt.

Eitem 2B. Adolygu cofnodion y cyfarfod cyhoeddus a gynhaliwyd ar 12 Ionawr

3. Adolygwyd cofnodion cyfarfod cyhoeddus y Bwrdd a gynhaliwyd ar 12 Ionawr a chytunwyd arnynt.

Eitem 3. Yr wybodaeth ddiweddaraf gan y Cadeirydd

Noddwr a chyflwynydd: Neil Sachdev, Cadeirydd

4. Cyflwynodd y Cadeirydd yr eitem a diolchodd i'r tîm a oedd yn ymwneud â lansio'r Adroddiad ar Sefyllfa Adnoddau Naturiol. Awgrymwyd y gellid datblygu proses RACI (Cyfrifoldeb, Atebol, Ymgynghorwyd a Hysbyswyd) mewn perthynas ag egluro rolau a chyfrifoldebau ar gyfer mynd i'r afael â'r materion y tynnwyd sylw iddynt.
5. Roedd y broses recriwtio ar gyfer y Prif Swyddog Gweithredol newydd wedi'i gohirio, a byddai'n ailgychwyn ym mis Ebrill. Byddai Ceri Davies yn parhau yn rôl y

Prif Swyddog Gweithredol nes bod y broses recriwtio wedi'i chwblhau'n llwyddiannus. Diolchodd y Cadeirydd i bob aelod o staff a phob cydweithiwr a fu'n rhan o'r broses hyd yn hyn. Nododd y Cadeirydd hefyd fod angen i CNC allu ymateb i bryderon y cyhoedd yn gyflymach, ond efallai na fydd modd eu datrys ar unwaith.

Eitem 4. Diweddariad gan y Prif Weithredwr

Noddwr a chyflwynydd: Ceri Davies, Prif Weithredwr

6. Cyflwynodd yr eitem gan y Prif Weithredwr. Lanswyd y Papur Gwyrdd gan Lywodraeth Cymru, a oedd wedi diolch i CNC am yr ymdrech a wnaed i'w lansio. Amlinellwyd y dull ymgynghorol o reoleiddio'r sector dŵr a'r goblygiadau i rôl CNC, a oedd yn cynnwys cydweithio â'r rheoleiddiwr economaidd newydd a'r swyddogaeth cynllunio systemau. Roedd y papur wedi nodi'r rolau rheoleiddio, ac esboniwyd y swyddogaeth cynllunio systemau newydd yn glir gan Lywodraeth Cymru. Byddai'r swyddogaeth cynllunio systemau yn dod â'r sectorau dŵr a'r amgylchedd at ei gilydd.
7. Byddai CNC yn cefnogi Llywodraeth Cymru i ddatblygu'r dull, gan gynnwys sicrhau bod y lefel gywir o fuddsoddiad yn cael ei chyflawni ar gyfer y newidiadau gofynnol. Roedd y setliad cyllidebol wedi cadarnhau'r cyllid sylfaenol ar gyfer Llywodraeth Cymru o ran rheoliadau dŵr. Nod y papur oedd meithrin dull cydgynhyrchu o lywodraethu'r sector dŵr, gan gynnwys nifer o randdeiliaid a chanolbwyntio ar ddatrysiadau cyfannol, pragmatig yn hytrach na modelau rheoleiddio sefydlog.
8. Pwysleisiwyd, er gwaethaf y ffaith na ddisgwyli'r newidiadau deddfwriaethol tan ar ôl 2030, bod CNC yn cael ei annog i dreialu dulliau rheoleiddio newydd ar hyn o bryd, mewn cydweithrediad ag Ofwat a Llywodraeth Cymru, i lywio deddfwriaeth yn y dyfodol.
9. Trafododd y Bwrdd ba mor bwysig yw alinio'r broses o gynllunio systemau a dulliau rheoleiddio ledled Cymru a Lloegr, yn enwedig ar gyfer afonydd mawr, er mwyn osgoi rheolaeth wahanol a sicrhau proses effeithiol o gynllunio dalgylchoedd. Roedd CNC yn gweithio gyda phartneriaid i drafod ardaloedd a oedd yn profi llifogydd yn aml, a'r opsiynau sydd ar gael i'r gymuned wrth symud ymlaen.
10. Roedd CNC wedi cyflymu'r broses o gyhoeddi rhybuddion llifogydd ac wedi cynyddu sylw rhagweithiol yn y cyfryngau er mwyn sicrhau bod y cyhoedd yn cael rhybuddion amserol, gan ddefnyddio sawl sianel wahanol, gan gynnwys y cyfryngau cymdeithasol, teledu a radio. Roedd CNC hefyd wedi cryfhau cydgysylltu cynnar â'r awdurdodau lleol, yr heddlu, a'r gwasanaethau tân ac achub, gan rannu gwybodaeth i alluogi cynllunio ar y cyd a dull Cymru ar y Cyd o ymateb i lifogydd.
11. Trafododd y Bwrdd yr her o gydbwyso ymateb i ddigwyddiadau â gweithrediadau o ddydd i ddydd, gan nodi bod gan lawer o staff ddwy rôl, ac y gallai digwyddiadau sy'n digwydd yn amlach ohirio'r gwaith arall y mae angen ei wneud.

12. Disgrifiodd y tîm yn y Gogledd-ddwyrain y broses o ddatblygu cynlluniau llifogydd cymunedol a'r defnydd o ddata hydrometrig i ategu'r broses o ddarogan llifogydd, rheoli asedau, a rhoi ymyriadau naturiol o reoli llifogydd ar waith.
13. Holodd y Bwrdd pam yr oedd yn ymddangos bod mwy o drafodaeth ynghylch camau gorfodi. Gellid darparu gwybodaeth reoli well i'r Bwrdd, ond byddai angen ategu hyn gan rai o'r achosion yn adroddiad y Prif Swyddog Gweithredol. O ran gorfodi, roedd y prosesau'n hir a byddai CNC yn canolbwyntio ar sut i fynd i'r afael â'r problemau fel rheoleiddiwr. Byddai cyfarfod â'r Dirprwy Brif Weinidog yn cael ei drefnu os oes angen.
14. Roedd CNC yn gweithio gyda Llywodraeth Cymru er mwyn sicrhau y byddent yn dylanwadu ar y ddeddfwriaeth yng Nghymru a Lloegr, a bod staff a oedd yn ymwneud â'r Papur Gwyrdd hefyd yn gweithio ar y Papur Gwyn. Mewn perthynas â'r mecanwaith cosbau ariannol, gofynnodd y Bwrdd a allai CNC roi'r arian i mewn a chanolbwyntio ar y gwelliannau heb dynnu oddi ar fuddsoddiadau a setliadau. Roedd hwn yn faes ymarferol iawn a oedd yn cael ei adolygu ar y cyd â Llywodraeth Cymru.

Eitem 5. Adroddiadau diweddarau'r pwyllgorau

Noddwyr a chyflwynwyr: Cadeiryddion y pwyllgorau

Pwyllgor Archwilio a Sicrwydd Risg – 9 Rhagfyr

15. Rhoddodd Lesley Jones, aelod o'r Pwyllgor Archwilio a Sicrwydd Risg, yr wybodaeth ddiweddaraf am gyfarfod y pwyllgor a gynhaliwyd ar 9 Rhagfyr. Tynnwyd sylw at y ffaith bod Archwilio Cymru wedi rhoi'r wybodaeth ddiweddaraf am adroddiad y Fenter Twyll Genedlaethol (NFI) a byddai'r Pwyllgor Archwilio a Sicrwydd Risg yn adolygu'r data cymharol dros amser, er mwyn asesu gwerth parhaus.
16. Roedd y pwyllgor hefyd wedi cael trosolwg o adroddiad y Safleoedd o Ddiddordeb Gwyddonol Arbennig (SoDdGA) a chawsant sicrwydd bod Archwilio Cymru yn fodlon ag ymateb CNC. Er y byddai'r cyfrifoldeb o oruchwylio'r safleoedd hynny yn nwylo'r Pwyllgor Ardaloedd Gwarchodedig, byddai'r cynnydd a wneir yn cael ei adrodd i'r Pwyllgor Archwilio a Sicrwydd Risg. Roedd y pwyllgor hefyd yn trafod yr wybodaeth ddiweddaraf am y cyllid, gan gynnwys gwrth-dwyll, rhwymedigaethau digwyddiadol ac achosion cyfreithiol, y cynllun archwilio mewnol, a'r crynodebau gweithredol ar gyfer dau adroddiad archwilio mewnol diweddar.

Pwyllgor Cynghori ar Dystiolaeth – 28 Ionawr

17. Rhoddodd Steve Ormerod, cadeirydd y Pwyllgor Cynghori ar Dystiolaeth, amlinellid o gylch gwaith y pwyllgor. Roedd y Pwyllgor Cynghori ar Dystiolaeth wedi trafod y dilyniant i'r Adroddiad ar Sefyllfa Adnoddau Naturiol, a'r gofod gwarchodedig o ran monitro daearol, gan alluogi'r pwyllgor i ddeall y gwaith parhaus

tuag at amcan 30 erbyn 30 ac CNC2030. Roedd angen ehangu rhywfaint ar y nodweddion dynodedig ar rwydwaith y Safleoedd o Ddiddordeb Gwyddonol Arbennig (SoDdGA). Roedd angen deall y pwysau oedd yn gyrru bioamrywiaeth i'r cyfeiriad anghywir.

18. Un o'r blaenoriaethau oedd cael proses fonitro gosteffeithiol y mae modd ei haddasu, ac y byddai angen iddi fod yn ystwyth. Roedd y dehongliad o'r adroddiad ar y Safleoedd o Ddiddordeb Gwyddonol Arbennig yn cynnwys yr angen i ystyried a allai CNC barhau i fesur safleoedd i'r graddau y gwneir hynny ar hyn o bryd. Roedd y Pwyllgor Cynghori ar Dystiolaeth wedi holi beth oedd y lefelau mesur cywir, ac a oedd y lefel bresennol yn ddigonol i ddeall cyflwr y safleoedd.

Pwyllgor Cyllid – 3 Chwefror

19. Tynnodd Helen Pittaway, cadeirydd y Pwyllgor Cyllid, sylw at yr eitemau o'r cyfarfod, gan gynnwys yr adroddiad perfformiad cyllid, cyllideb 2026/27, y broses cynllunio busnes, a metrigau. Ymhlith yr eitemau ariannol a gymeradwywyd oedd y prosiect telemetreg, prosiect adnewyddu'r fflyd, a chymeradwyaeth adran 83. Trafodwyd diweddariad ar yr adolygiad blynyddol o daliadau hefyd, yn ogystal ag adolygiad llywodraethu o bwyllgorau.

Pwyllgor Rheoli Perygl Llifogydd – 17 Rhagfyr (Ardaloedd Draenio Mewnol) a 15 Ionawr

20. Rhoddodd cadeirydd y Pwyllgor Rheoli Perygl Llifogydd yr wybodaeth ddiweddaraf am y cyfarfodydd diweddar, lle buont yn trafod yr Ardaloedd Draenio Mewnol. Trafodwyd hefyd adroddiad ar y prosiect telemetreg, a oedd yn cynnwys y defnydd presennol o dechnoleg a deallusrwydd o'r hyn oedd yn digwydd yn yr amgylchedd a sut y byddai angen i CNC ymateb. Roedd pryderon wedi'u codi ynghylch yr adnoddau a'r cyllid ar gyfer y maes hwn. Roedd gwersi i'w dysgu ar reoli a chaffael y data.

Pwyllgor Ystadau Tir – 22 Ionawr

21. Trafododd cadeirydd y Pwyllgor Ystadau Tir yr ymchwiliad i waith CNC a oedd yn mynd rhagddo mewn perthynas â chyllid gwyrdd, a'r angen am well dealltwriaeth o'r rhagolygon. Roedd y pwyllgor hefyd wedi trafod y broses o reoli gweithgareddau hamdden ar y tir a reolir gan CNC, ac i ba raddau y gallai CNC wneud penderfyniadau mewn perthynas â'r tir.

Pwyllgor Pobl a Chwsmeriaid – 4 Rhagfyr

22. Rhoddodd cadeirydd y Pwyllgor Pobl a Chwsmeriaid yr wybodaeth ddiweddaraf i'r Bwrdd am gyfarfod y pwyllgor a gynhaliwyd ar 4 Rhagfyr. Roedd y cyfraniadau a ddeilliodd o'r achos dros newid yn cael eu rhannu gan y pwyllgor. Cadarnhawyd y

byddai Cyfarwyddwr Gweithredol Pobl a Chyfleusterau yn cymryd yr awenau fel arweinydd y Tîm Gweithredol yn y Pwyllgor Pobl a Chwsmeriaid.

23. Roedd y pwyllgor wedi trafod a chymeradwyo'r Strategaeth Llesiant, lechyd a Diogelwch ac Adroddiad Llesiant, lechyd a Diogelwch Chwarter 2. Roedd y strategaeth wedi'i diweddarau i gynnwys yr elfen gyhoeddus ehangach.
24. Roedd y pwyllgor hefyd wedi trafod llesiant staff ac ymateb CNC, ac roedd y Strategaeth Llesiant, lechyd a Diogelwch yn cael ei llunio'n flynyddol. Roedd Adroddiad Cydraddoldeb, Amrywiaeth a Chynhwysiant blynyddol wedi'i gynhyrchu, a fyddai hefyd yn cynnwys llesiant staff a nodweddion eraill. Byddai hyfforddiant penodol yn cael ei ddarparu i'r Bwrdd a'r Tîm Gweithredol. Roedd CNC wedi gweithredu gwrth-hiliaeth o fewn y gwaith hwn a Chynllun Gweithredu Cymru, a fyddai'n helpu gyda gwaith arall mewn perthynas â nodweddion gwarchodedig.

PENDERFYNIAD: Cymeradwyodd y Bwrdd y Strategaeth Llesiant, lechyd a Diogelwch.

PENDERFYNIAD: Cymeradwyodd y Bwrdd Adroddiad Chwarter 2 ar Lesiant, lechyd a Diogelwch.

Fforwm Rheoli Tir Cymru

25. Rhoddodd Rhys Jones, yn rhinwedd bod yn gadeirydd Fforwm Rheoli Tir Cymru, yr wybodaeth ddiweddaraf am y cyfarfod diweddar a nododd y gwaith sy'n mynd rhagddo i ehangu aelodaeth y fforwm.

Fforwm Rheoli Dŵr Cymru – 13 Tachwedd

26. Roedd yr wybodaeth ddiweddaraf am gyfarfod Fforwm Rheoli Dŵr Cymru a gynhaliwyd ar 13 Tachwedd wedi'i darparu yng nghyfarfod y Bwrdd ym mis Tachwedd. Byddai'r cyfarfod nesaf yn cael ei gynnal ar 12 Mawrth.

Eitem 6. Adroddiad Perfformiad Cyllid

Cyflwynydd: Rob Bell, Pennaeth Cyllid

27. Cyflwynwyd yr eitem gan y Cyfarwyddwr Gweithredol Cyllid a Gwasanaethau Corfforaethol. Rhoddodd y Pennaeth Cyllid drosolwg o'r Adroddiad Perfformiad Cyllid, a oedd hefyd wedi'i drafod â'r Tîm Gweithredol a'r Pwyllgor Cyllid. Nododd cadeirydd y Pwyllgor Cyllid fod y pwyllgor wedi trafod sut y gellid defnyddio'r tanwariant.
28. Bu newid bach yn y rhagolwg cyffredinol, o ran yr incwm sydd ar y proffil. Ond roedd disgwyl i incwm o bren fod yn is na'r disgwyl, ac roedd tanwariant mewn perthynas â chostau staff oherwydd y rheolaethau recriwtio. Roedd trafodaethau

parhaus â Llywodraeth Cymru ynghylch dychwelyd yr arian a danwariwyd a'i ddefnyddio, o bosibl, ar gyfer rhwymedigaethau.

29. Roedd CNC yn anelu at gwblhau pryniannau tir, fel y cyfleoedd ym Mynydd Cilfái i brynu tir a darparu gorchudd coed cydbwyso, erbyn diwedd y flwyddyn er mwyn defnyddio cyfalaf dros ben, gyda chynllun wrth gefn yn barod pe bai'r trafodion yn cael eu gohirio. Roedd CNC hefyd yn archwilio opsiynau ar gyfer cytundebau caffael tymor hwy.
30. Trafododd y Bwrdd effaith amlweddol tanwariant ar weithrediadau, a nododd fod yr oediadau wedi'u gwasgaru ar draws y sefydliad, ac nid oeddent wedi'u cyfyngu i feysydd penodol.
31. Awgrymwyd hefyd y gellid sefydlu tasglu, yn debyg i Asiantaeth yr Amgylchedd, i gefnogi'r polisi er mwyn cyfleu neges glir mewn perthynas â throeddau gwastraff cyfundrefnol. Roedd gan Asiantaeth yr Amgylchedd adnoddau parhaol ar gyfer y gwaith penodol hwn. Bu'r Cyfarwyddwr Gweithredol Lle a Gwasanaeth yn trafod y maes hwn â chydweithwyr a nododd fod nifer o faterion yr oedd angen mynd i'r afael â hwy.
32. Holodd y Bwrdd a oedd modd cario'r cyllid cyfalaf ymrwymedig drosodd i'r flwyddyn ariannol nesaf. Byddai Cyfarwyddwr Gweithredol Cyllid a Gwasanaethau Corfforaethol yn ystyried yr opsiwn hwn gyda chydweithwyr cyllid yn Llywodraeth Cymru.

CAM GWEITHREDU: Cyfarwyddwr Gweithredol Cyllid a Gwasanaethau Corfforaethol i drafod â Llywodraeth Cymru yr opsiwn o gario cyllid cyfalaf ymrwymedig drosodd i'r flwyddyn ariannol nesaf.

PENDERFYNIAD: Cymeradwyodd y Bwrdd y newidiadau i'r rhagolwg diweddaraf, o £302.5 miliwn i £303.3 miliwn.

Eitem 7. Cyflwyniad Lle

Noddwr: Lyndsey Rawlinson, Cyfarwyddwr Gweithredol Lle a Gwasanaeth
Cyflwynydd: Elsie Grace, Pennaeth Gweithrediadau'r Gogledd Ddwyrain; Liz Felton, Arweinydd Tîm, Tîm yr Amgylchedd; David Powell, Rheolwr Gweithrediadau'r Gogledd-ddwyrain; Keith Ivens, Rheolwr Gweithrediadau, Rheoli Llifogydd a Dŵr; Sara Pearson, Arweinydd Tîm, Cyflenwi Ynni; Sue Williams, Arweinydd Tîm, Pobl a Lleoedd

33. Cyflwynodd yr eitem gan y Cyfarwyddwr Gweithredol Lle a Gwasanaeth. Cyflwynodd Pennaeth Gweithrediadau'r Gogledd-ddwyrain drosolwg o'r gwaith sy'n mynd rhagddo yn y Gogledd-ddwyrain, a nododd y byddai llawer iawn o'r Parc Cenedlaethol newydd arfaethedig yn y Gogledd-ddwyrain yn bennaf.
34. Cyflwynwyd yr wybodaeth ddiweddaraf ar Warchodaeth Afon Dyfrdwy a'i hawdurdodaeth. Disgrifiwyd y prif fentrau datgarboneiddio, megis Prosiect HyNet,

gweithgarwch dal carbon Heidelberg Materials, a dulliau cynhyrchu pŵer carbon isel. Tynnwyd sylw at rolau rheoleiddio a chydlynu rhanddeiliaid CNC.

35. Cyflwynwyd y rôl reoleiddio ddeuol yn y Gogledd-ddwyrain. Roedd timau CNC yn gweithio'n agos gyda'i gilydd ac roedd technolegau newydd, megis dronau, bellach yn cael eu defnyddio i fonitro allyriadau. Cyflwynwyd gwybodaeth am ba mor gymhleth yw hi i rheoli safleoedd diwydiannol risg uchel ger cymunedau.

Cyflwynwyd gwybodaeth am reoli cyrsiau dŵr sydd wedi'u rheoleiddio llawer, yn ogystal â'r seilwaith lliniaru llifogydd a'r defnydd o ddata telemetreg a hydrometrig i ategu'r broses o wneud penderfyniadau gweithredol a chydnerthedd cymunedau. Amlinellwyd gweithgareddau rheoli tir, incwm o bren, y broses o reoli safleoedd hamdden, a datblygu ffermydd gwynt. Cefnogwyd y tîm gan y tîm cyflenwi ynni a chronfeydd buddion lleol.

36. Amlinellwyd partneriaethau rhanbarthol a lleol gydag CNC, gan gynnwys y gwaith gyda'r Byrddau Gwasanaethau Cyhoeddus, grwpiau iechyd, ac awdurdodau lleol. Roedd y trosolwg hwn hefyd yn cynnwys y prosiectau a oedd yn canolbwyntio ar iechyd pridd, rheoli tân, a gwella cynefinoedd.

37. Cafodd y Bwrdd grynoded o'r weledigaeth i symud o ddulliau adweithiol i ddulliau ataliol, datblygu cynllun sy'n edrych i'r dyfodol, a grymuso staff a phartneriaid i fynd i'r afael â heriau cymhleth ar y cyd.

Eitem 8. Unrhyw fater arall

38. Nid oedd unrhyw faterion eraill i'w trafod.

Diwedd y cyfarfod

Sesiwn holi ac ateb gyhoeddus

39. Roedd cwestiwn wedi dod i law'r Bwrdd yn gofyn am ei farn ar y gwrthddywediad rhwng asesiad perfformiad CNC ei hun a chanfyddiad yr Adroddiad ar Sefyllfa Adnoddau Naturiol, a oedd yn awgrymu adroddiad llai cadarnhaol. Esboniodd y Bwrdd fod y sgoriau Gwyrdd sydd ar gael yn yr adroddiadau blynyddol yn adlewyrchu'r cynnydd a wnaed yn erbyn gweithgareddau a gynlluniwyd o fewn yr adnoddau sydd ar gael, tra bod yr Adroddiad ar Sefyllfa Adnoddau Naturiol yn asesu cyflwr cyffredinol natur yng Nghymru, a oedd wedi'i ddylanwadu gan ffactorau y tu hwnt i reolaeth uniongyrchol CNC.
40. Cydnabu'r Bwrdd yr angen am gyfathrebu cliriach ynghylch y gwahaniaeth rhwng metrigau sy'n seiliedig ar weithgareddau a chanlyniadau amgylcheddol, a byddai'n darparu ymatebion ysgrifenedig mewn perthynas â'r ymdrechion ymgysylltu â'r cyhoedd sy'n mynd rhagddynt.

Cau'r cyfarfod cyhoeddus